

第二十六冊

容止
情感
疾病
喪祭

清稗類

商務印書館發行

清稗類鈔

容止類目錄

舉人大挑取狀貌
黃大宗風神超逸
韋六象神朗貌癯
梁蒼巖大類坡仙
柏嶷山高風秀骨
李戒庵美風儀
王丹麓神致蕭散
周芮公冲懷秀骨
介公風儀蕭散
錢礎石神姿崖異
納蘭容若儀態似王逸少
丁大聲軀材拔起
趙恭毅儀狀奇古
王潯在坐酣睡
史文靖風度端凝

清稗類鈔

容止類目錄

頁		
四	錢黼堂貌似趙榮祿	四
四	龔定庵有異表	四
四	田興恕美秀而文	四
五	德宗儀表	五
五	著人容貌	五
六	曾文正儀表	六
七	曾文正膚如蛇皮	七
七	陸祥貌似劉文懿	七
八	周老人爲丈夫	八
九	巡捕官身長一丈	九
〇	詹五身暴長	〇
一	侏儒	一
一	梁成福頭若箕斗	一
一	周氏子三頭	一
二	李氏女繡面	二
二	舊字面孔	二
二	盧抱經以手摩面	二
三	施世綸獸面人心	三

三不薙髮

一三 陳六笙還鬚

二二

黃陶庵不薙髮

一三 朱文端河目海口

二二

許德溥不薙髮

一三 章霖爲獨眼翰林

二二

錢仙上不薙髮

一四 齊次風瞳小

二三

葉尙高披髮佯狂

一五 應潛齋重瞳

二三

髮作金錢式

一五 黃淳餘重瞳

二三

福康安剃髮

一五 朱脩廬短視

二三

程穆倩眉宇深古

一六 吳駢人短視

二四

黃之驤眉聽

一六 駱文忠瞽能辨人

二四

丁文博眉目明秀

一六 朱竹石瞽能辨人

二四

沈滄雨長鬚

一六 瞽者能葉子戲

二五

陳其年短而髯

一七 徐武令辭艱於口

二五

吳錦雯張祖望有修髯

一七 陸德恭四乳獨腎

二五

寧秀生而有髭

一七 陳忠愍腰大

二五

高宗拊黃龍眉長髯

一七 曲膝虛坐

二六

乞鬚免鬚

一九 應潛齋手有文

二六

李惺長髯

二〇 手指長甲

二六

割鬚平夷

二一 纖手剝芡實

二六

養手指爪

二七

章氏子孫足指有歧

二八

徐三癩腳餓死

二八

陳清恪左足赤瘰

二九

厲樊榭曳步緩行

二九

孫氏子四足

三〇

婦女本多天足

三〇

廣州赤腳

三一

廣潮妾足

三二

婦女纏足

三二

粵女纏足

三三

好色不好弓足

三三

姚美人足

三四

小脚會

三五

陝女三足

三六

清稗類鈔

杭縣 徐珂 仲可

容止類

舉人大挑取狀貌

舉人三科會試。不中進士。可於榜後應大挑。授以官職。不考文字。專取狀貌。偉丈夫列一等。授知縣。小丈夫列二等。授教職。再次。則無授矣。

黃大宗風神超逸

黃大宗狀貌奇偉。黃岡王昊廬少詹澤宏見之。歎曰。風神超逸。卓有父風。

韋六象神朗貌癯

武康韋六象。名人鳳。神朗貌癯。衣布。不肉食。長夜擁絮被。危坐不寐。讀書至旦。以爲常。高簡淡泊。彷彿如枯巖禪客。與人言。肺腑傾盡。不事表襮。塵俗人望之。頽然自遠。

梁蒼巖大類坡仙

梁蒼巖襟期瀟灑。意度廓落。大類坡仙。

柏巖山高風秀骨

柏巖山過涉園。嘉善魏青城少參學渠。稱其高風秀骨。英采惠姿。照映泉石。

李戒庵美風儀

鄞縣李戒庵。名文純。美風儀。嘗於上元夜著絳衣。與郡中名士集賀監祠。乘月上湖橋。長嘯。觀者謂爲神仙。

王丹麓神致蕭散

稽淑子謂王丹麓神致蕭散。超然物外。

周芮公冲懷秀骨

晉江周芮公進士廷鑑。冲懷秀骨。與之晤對。如揖廣成。如瞻水鏡。

介公風儀蕭散

介公。名元堂。字明介。鄞縣天童寺西堂僧。風儀蕭散。寡言笑。體羸。若不勝衣。而神鑒淵然。與諸名士接。但以目會。四坐盡通。退相品題。不失分寸。

錢礎石神姿崖異

吳六益嘗謂錢礎石神姿崖異。有壁立萬仞之概。

納蘭容若儀態似王逸少

納蘭容若。名成德。明珠子也。十七爲諸生。十八舉鄉試。十九成進士。二十二授侍衛。天姿英絕。蕭然若寒素。擁書數萬卷。彈琴歌曲。評書畫以自娛。書學褚河南。幼善騎射。自入環衛。益便習。發無不中。扈蹕塞垣。珣弓牙箭。環列廚帳。以意製器。多巧。僂所不能到。嘗讀趙松雪自寫照詩。有感。卽繪小像。仿其衣裝。座客或期許太過。皆不應。徐乾學曰。爾儀態何酷似王逸少。乃大喜。

丁大聲軀材拔起

蕭山丁大聲。名克振。軀材拔起。咳如挺鐘。言同奔河。

趙恭毅儀狀奇古

武進趙恭毅公申喬。儀狀奇古。圭角岸然。長戶部時。人呼曰冷廟龍王。

王潛而坐酣睡

康熙朝。試武進士騎射。趙恭毅方以兵部尚書偕諸臣坐班。不覺酣睡。聖祖以其篤老。但訓誨之。雍正時。成都知府王潯年七旬。侍巡撫憲德考驗武弁。在坐酣睡。經憲德奏參。世宗援引趙事。寬其處分。令改京秩。

史文靖風度端凝

史文靖公貽直。器量宏大。風度端凝。嘗有不時宣召。輒雅步如常。或促之。則曰。天下安有奔迫宰相耶。

錢黼堂貌似趙榮祿

嘉善錢黼堂少宰樾爲翰林時。其貌絕似趙榮祿畫像。年逾五十。兩耳下忽添長鬚。七十餘。鬚髮俱白。惟兩耳下鬚尙墨。亦罕見也。

龔定庵有異表

仁和龔定庵禮部自珍有異表。頂稜起而四分。如十字形。額凹下而頰仰上。目炯炯如巖下電。眇小精悍。作止無常則。語非滑稽。不以出諸口也。

田興恕美秀而文

貴州提督田興恕美秀而文。一時有玉人之目。每臨陣。則又雷奮飄舉。橫厲無前。年十八。卽握兵符。所至之處。萬人空巷環繞而觀之。田羞澀如處子。幕友中有張太守者。貌與田相若。而喜作狹邪游。取給於田者累萬。田三十餘卽卒。時貌眊麗猶如二十許也。

德宗儀表

德宗貌清剛。面瘦。終日無笑容。大口白齒。高準黑睛。身長五尺強。

著人容貌

曾文正公國藩器宇凝重。面如滿月。鬚髯甚偉。殆韓子所云如高山深林鉅谷。龍虎變化不測者。當代鉅公。無其匹也。知府張澧翰嘗謂其端坐注視。張爪刮鬚。似癩龍也。惟眉髮略低。故生平勞苦多而逸豫少。忠襄公國荃體貌頗似文正。而修碩稍遜。李文忠公鴻章長身鶴立。瞻矚高遠。識敏辭爽。胸無城府。人謂其似仙鶴。胡文忠公林翼精神四溢。威稜懾人。目光閃閃如巖下電。而面微似皋陶之削瓜。駱文忠公秉章如鄉里老儒。粥粥無能。而外樸內明。能辨賢否。左

文襄公宗棠貌亦如老儒。而倜儻好奇。議論風生。若適與駱相反。羅忠節公澤南貌不揚。又短視。彭剛直公玉麟恂恂儒者。和氣藹然。楊勇恪公載福貌儒雅。鮑武襄公超軀幹不逾中人。弱不勝衣。閻文介公敬銘短小精健。不改關中敦樸氣象。丁文誠公葆楨狀貌修偉。綽有威風。岑襄勤公毓英雄姿沈毅。而黧黑。倭文端公仁體不逾中人。而灑然出塵。清氣可挹。霍邱吳竹如侍郎學養完粹。道味盎然。巴陵吳南屏廣文敏樹貌樸野。而氣韻高潔。此皆咸豐同治光緒三朝之著人也。

曾文正儀表

有於同治壬戌癸亥間見曾文正於江寧者。時文正年逾花甲矣。精神奕然。身長約五尺。軀格雄偉。肢體大小咸相稱。方肩闊胸。首大而正。額闊且高。眼三角。有稜。目眦平如直綫。凡常人眼必斜。顴骨必高。而文正獨無此。兩頰平直。髭髯甚多。鬚鬚直連頰下。披覆於寬博之胸。益增威嚴。目不巨。而光極銳利。眸子作榛色。口闊脣薄。是皆足爲其有宗旨有決斷之表證也。

曾文正膚如蛇皮

曾文正有皮膚病。膚如蛇皮。時時爬搔之。鱗屑簌簌。散於地。雖見客。亦不輟也。而宋人王安石亦有斯疾。王爲進賢饒氏甥。其舅黨以其膚理如蛇皮。目之曰。此行貨亦欲求售耶。王尋舉進士。以詩寄之曰。世人莫笑老蛇皮。已化龍鱗衣。錦歸傳語進賢饒。入舅。如今行貨正當時。

陸祥貌似劉文懿

陸祥。粵西故家子也。及祥而家稍稍敗。年長。喜從無賴飲博。既喪父母。不能自活。乃出關。有設肆於越南邊祥州者。從之爲夥。月得錢十餘千。供煙酒資而已。邊祥巡撫爲劉文懿。時法教士恃其國力。驕甚。數侵地方官權。獨於邊祥則不敢。文懿長身皙面。年三十餘。蓄鬚鬢。祥貌似之。光緒壬午。法越釁起。法攻越南諸州甚亟。文懿守邊祥。屢出奇兵卻敵。及法定北圻。乃悉衆攻邊祥。聲言將屠城。州人懼。力請於文懿。文懿歎曰。事不可爲矣。然士可殺不可辱。我豈能爲降將軍哉。拔劍自刎。左右力持之。卽解印綬懸帳前。自跨馬從間道去。

前此文懿嘗詐降。設伏城中。誘殺法人數千。至是衆請降。且以文懿已去告法人。法人不可。曰。必得巡撫親來。不然。屠無赦。時祥在圍城中。聞屠城之說。窘甚。方求出不得。一人見之。忽呼曰。使君在是矣。衆皆和之。闐如雷。祥不知所爲。聽衆擁入。至撫署。有戎服佩劍者坐堂上。望見祥。卽招以上。出一紙。令簽押。中皆法文。躊躇間。法將按短槍睨之。祥大懼。草草揮訖。法將忽作越語曰。君自號健者。誓死與我師角。乃有今日耶。祥唯唯。須臾。法將上馬。亦別以一馬令乘之。至法營。法人待以賓禮。見其衣敝。爭指之曰。若一巡撫。乃衣貧人衣。矯飾如此。將謂奇智。今日究能逃吾輩面否耶。祥不覺赧顏。三日釋歸。尋返粵西。

周老人爲丈夫

老人姓周氏。名霞。字華國。籍滇西太和縣。近世稱東亞老人者是也。老人軀雄偉。額廣。顴高。頰豐。目炯炯如箕。長眉。美鬚髯。強飯健步。壯者不之及。年六十二。游學日本。髮禿。服西式學生冠服。氣益豪。日人咸頌之曰。丈夫。丈夫。強健之意也。日本明治天皇者。自信老而壯。異其名。延見之。謝不如曰。此眞亞東僅有之

老人矣。而萬里越國求學。難哉。於是報章豔傳老人名。東西學子爭得其小影。以策後進。光緒甲辰。日人勝俄軍。東京市大祝捷。觀者如堵。老人有感事詩。其一聯云。十五萬人齊祝捷。他人含笑我吞聲。外人因見老人。亦不敢以病夫目我。此老人之聲名。所以嘖嘖人口也。

初。周氏世業醫。傳數世。至其父鴻雪。名益震。治病罔弗起。數年積資萬餘金。忽散之。徙居於瓊嶽山。若避難然。未幾難果作。州城陷。鴻雪家獨獲免。其後遂生老人於此山中。老人生而穎異。甫能言。自述其最初所見。則墮地三日內。身旁之人物。證之歷歷不爽。父母於是益奇之。髫齡通靈素書。手種杏樹。隨手都活。成童後。遭回亂。棄而學劍。好俠行。咸同間。杜文秀據大理。黠者走。怯者死。雲南已無漢人立足地。老人出入花門。無懼色。嘗挾醫術走寇營中。游說機宜。漢兵得老人力居多。時人稱之曰鴻門宴之子房。其魄力足也。

巡捕官身長一丈

徐樹人中丞宗幹。有一巡捕官。通州人。長約一丈。衣用呢羽。每行。則數十小兒

隨之。祠廟演劇。以類挂臺上觀之。臺下有售水菸者。仰而舉。長人則俯而吸之。從中丞出行。爲前導。無馬可乘。易以健騾。爲壓斃者七。自此卽步行矣。左文襄督閩時。從者多提鎮。左右侍立者。動以百計。中丞侍者僅一人。見者無不駭愕。旋以私通武闡關節。被斥。遂餓死。

詹五身暴長

長人詹五。徽州農家子。年十五。家中僅一妹同居。甫十三。一日。五於田畠中得一大鱸。短而粗。歸與妹烹食之。臥至夜半。五忽覺其身暴長。頭足皆抵牆。知有異。黎明起。取鏡自照。見己身長約一丈。而極瘦。頭大如斗。大驚。趨視其妹。亦如之。二人偕出。村人咸目爲妖。相與駭走。妹悲甚。是夜卽自燬死。五自是食量極宏。而家赤貧。終日不能獲一飽。有族叔客漢口。開詹大有墨莊。因往依之。適一西人見五。異焉。出重資僱之。出洋觀者。人索金錢一枚。五徧歷各國。獲資綦厚。如是者十餘年。粗習英語。改裝娶英婦歸。光緒庚辰六月。自築鉅宅於上海老閘。極富麗。往來多西人。辛巳三月某日。乘人力車出。二人推挽之。行至跑馬場。

身重車小。自車中墜地死。婦乃席捲其資以去。

侏儒

四川卓某。相國秉怡孫也。光緒時。居京師。體短。人呼爲卓矮子。性甚暴。每怒妻妾。輒呼令前。自立於桌。以杖打之。若不受。則暴更甚。必逞始已。後其妻密購高四五尺之裝穀桶。見卓盛怒。與妾共抱之。置桶中。卓因竟日不得出。自責乃已。

梁成福頭若箕斗

粵寇之酋有號啓王者。爲梁成福。嘗由荆襄竄擾漢中一帶。洎勢蹙。以其餘力陷階州。據焉。官軍合三省兵數萬圍匝月。乃擒之。磔於益州市曹。其頭巨若箕斗。眉間殺氣稜稜。張目怒。人皆辟易不敢近。

周氏子三頭

宣統庚戌。黃坡農人周立茂妻產一男。有三頭。在中者較巨。一頭吸乳。則二頭皆泣。立茂挈其妻抱之至漢口。美人卡立脫欲出三百金購之以送紐約博物院。不允。

李氏女繡面

黎女將字人。輒於面涅花卉昆蟲之屬。曰繡面。夫家給花樣以爲識。蓋使之不得再嫁也。康熙時。有李氏女者。爲之獨工。旣嫁。夫以其花樣悉符也。甚悅之。

舊字面孔

雍正時。有江位初者。面長方而鰲黑。稜層版摺。人呼爲舊字面孔。凡識江面者。每讀書。遇舊字。輒念及江。無不失笑。

盧抱經以手摩面

盧抱經學士。文弔精於考索。每朋輩小集談藝。學士仰而沈思。輒以手頻摩其面。

施世綸獸面人心

乾隆時。漕督施世綸貌奇醜。人號爲缺不全。初爲縣尹。謁上官。上官或掩口而笑。施正色而言曰。公以某貌醜耶。人面獸心者。可惡耳。若某。則獸面人心。何害焉。

三聖不薙髮

滿俗薙髮。自世祖入關定鼎。漢人亦遵行之。有不從者。輒置重典。然熱河行宮所藏世祖聖祖世宗三代御容。皆不薙髮。誠可異矣。

黃陶庵不薙髮

國初薙髮令下。檄至上海。上海之士紳。期會於邑之學宮。衆以俟。巨紳曹某至。決從違。曹蓋邑之望族也。及曹至。衆趨前問意。則徐脫其風帽示衆曰。某已表順從矣。於是衆皆薙髮。檄至嘉定。嘉定之士紳亦期會於學宮。衆以俟。黃陶庵至。決從違。陶庵至。則慷慨激烈。對衆宣言。謂頭可斷。髮不可斷。於是衆皆涕泣。願共守城誓死。

許德溥不薙髮

許元博。名德溥。如皋人。生而有過人至性。事父與繼母。承歡竭旨。孝聞於鄉。薙髮令下。元博不從。以父在。恐懼禍。爲親憂。乃截髮如頭陀。誓不入城。幼慕岳鄂王爲人。刺字左臂。曰生爲明人。右臂曰死爲明鬼。刺胸曰不媿本朝墨癥。黯然而